

VAL S. PIEDER

Approbau ovra hydraulica pintga

Vendergis sera ha la radunonza communal da Val S. Pieder approbau la proposta da construir ina ovra electrica pintga. El medem connex ha la radunonza lubiu il credit da 270 000 francs per prolungir la lingia da sortida dalla serenera. Aschia sa la serenera producir cun quell'aua rodund 60 000 uras kilowatt per agen diever e spargnar la mesadad da siu consum d'electricitad.

Ils da Val S. Pieder han plinavon approbau la proposta dalla suprastonza communal d'augmentar la contribuziun communal alla meglieraziun generala da furs per la summa da 700 000 francs. (fmr/abc)

MEDEL

Serrada dalla via dil Lucmagn

La Polizia cantunala annunzia pil meins d'avrel ina serrada da notg dalla via dil Lucmagn. Per montar ina tschaghegna stoppien ins serrar il tschancun da Sogn Gions tochen Pass dil Lucmagn, km 17,30 tochen km 19,90. Da gliendis, ils 24 d'avrel 2023, allas 20.00, tochen mardis, ils 25 d'avrel 2023, allas 05.00, ei la via serrada per tut il traffic. Ei dat negina pusseivladad da sviar gl'impediment. Pedunz e ciclistas san passar il piazzal. La serrada dependa dall'aura. Sco di da reserva seigi previus il proxim luverdi cun cundiziuns meteorologicas correspundentas, scriva la Polizia cantunala. (cdm/fmr)

LUMNEZIA

Pusseivel pér en tschun onns

Las autoritads dalla vischnaunca Lumnezia han breigias d'anflar candidatas e candidats per sézs libers ella suprastonza. Gl'onn 2028 san ins reducir il diember da gerai da nov sin tschun.

La vischnaunca Lumnezia sto s'occupar dapi silmeins siat onns cun in problem: Ella ha breigias d'anflar candidatas e candidats avunda pils posts ella suprastonza communal. Ina suprastanza da nov persunas, stabilii il 2012 el contract da fusiun, resta ina ierta che procura per lavur supplementara.

Il cantun fa buc speranzas

Pigl Uffeci cantunala da vischnauncas ei il cass clars: Ina reduziun da nov sin tschun commembers vegn buc en damonda il proxim temp. El contract da fusiun aveva la vischnaunca francu il diember da nov suprastontas e suprastonts senza indicar ina limita da temps per far midadas eventualas tenor necessitad. Perquei eis ella ligada vid in temps minimal da 15 onns cun nov commembers da suprastanza. Quei munta ch'ina midada dalla constituziun ei pusseivla il pli baul gl'onn 2028.

Gl'artechel pertuccont ils nov sezs dueva garantir a mintga vischinadi in post ella suprastanza communal. Gia ell'emprema legislatura suenter la fusiun eis ei semussau ch'igl ei grev da recrutar persunas da mintga vischinadi. Perquei ha la vischnaunca vuliu reducir il diember sin tschun commembers, quei ch'il cantun ha denton refusau. *Thomas Kollegger*, il menader digl Uffeci da vischnancas, vesa pouca speranza per ina risposta positiva. La suprastanza cun nov sezs seigi stada in argument politic per anflar ina maioritad per la fusiun ch'ei ida en vigur igl 1. da schaner 2013. Per consequenza sto la vischnaunca Lumnezia aunc viver cun questa situaziun ils proxims onns. (rtr/fmr)

«Superpublicum» a Curnius

567 skiuinzas e skiuinz da tuttas vegliadetgnas ein separticipai sonda alla 34avla cuorsa da skis populara «Beni's Super-G» sil Crap Sogn Gion. Il fundatur Beni Cathomas constatescha che quella ei uonn la pli gronda cuorsa populara dalla Svizra.

AUGUSTIN BEELI/FMR

La cuorsa Inferno a Mürren dat ei dapi gl'onn 1928. Cul Parsenn Derby da Tavau a Küblis han ins entschiet gl'onn 1924. Culla cuorsa Beni's Super-G pér 60 onns pli tard, numnadamein 1988. «Igl era il temps ch'ins saveva aunc ir cun skis il zercladur sil glatscher. Ed jeu erel sedecidius d'organisar il matg 1988 in super-G sil Vorab», raquenta *Beni Cathomas* alla FMR. In onn avon aveva la FIS introduciu ina nova disciplina el ski alpin. Tochen lu deva ei slalom, slalom gigant e cuorsa rapida. El ha priu la caschun ed ha organisau in super gigant e battegiu quel «Beni's Super-G».

640 eran annunziati

Aschinavon la historia dil Beni's Super-G. Da ferton eis ei l'impurtonta cuorsa populara el Grischn ed ina dallas grondas en Svizra. Sonda ha Beni Cathomas envidau alla 34avla ediziun da sia cuorsa populara sil Crap Sogn Gion. S'annunziati eran 640 skiuinzas e skiuinz da tuttas vegliadetgnas. Muncau han la finala 61 da quels. «Quei ei mintg'onn aschia ch'in cert diember vegn tuttina buc», declara il fundatur ed organisatur dalla cuorsa populara.

In e scadin astga separticipar senza licenza en ina dallas 19 categorias. Per biars carschi ed affons da numerus clubs dall'entira Svizra ei il Beni's Super-G l'occorrenza che s'auda tier la fin dalla stagiun. Sillas duas pistas parallelas Alp Dado han participontas e participonts d'absolver ina distanza d'altezia da 250 meters. Beni Cathomas e *Gion Ambrosi Cabenzli* havevan puspei mess in percours cun 35 portas e 32 midadas da direzziun. Il fundatur ei fetg satisfats dalla 34 cuorsa: «Tut ei iu bein, ei ha dau negins accidents, e sillas uras da partenza era la nebla naven. Era las duas pistas han tenuu, malgrad ch'ei haveva pluui sur notg», ha Beni Cathomas declarau el discuors culla FMR.

Bia G+S e clubs fideivels

Igl onn 1988, sil glatscher dil Vorab, eran 64 skiuinz separticipai. Ils clubs da skis dalla regiun e singuls dalla Bassa ein arrivai sil Crap Sogn Gion cun lur equipas da G+S per separticipar alla cuorsa Beni's Super-G. All'entschatta dalla rangaziun ha Beni Cathomas undrau ils clubs cul pli ault diember da participonts. Igl ein biars dalla regiun, aschia las organizaziuns G+S Flem, Crap Sogn Gion, Lumnezia, Laax, Breil-Vuorz e Trin, ils clubs da skis Ruschein e Sursaisa. Era il club tessines da Lodrino e quel da Unterlunkhofen ell'Argovia s'audan tiels pli fideivels che vegnan dapi onns al Beni's Super-G. Numerus sponsurs e fauturs sco era 100 voluntaris garanteschant mintg'onn la cuorsa populara. Il Club da skis Beverin ei puspei secumprovaus sco fidau responsabel per la mesiraziun dil temps. Ei suonda ils resultats dalla cuorsa cun mintgamai ils treis emprems rangai.



Gl'animatur Beni Cathomas en acziun: L'occorrenza sportiva ei cumbinada cun ina fiasta cun musica e cumpignia.

FOTO AUGUSTIN BEELI

Rangaziun

Mattatschas 1, annada 2014–2018 (total rangadas: 54)

1. Buchli Ronja, Trin, 1:18.31;
2. Mandioni Arianna, Lodrino, 1:18.48;
3. Gilgen Sofie, Trin, 1:20.09.

Buobs 1, annada 2014–2018 (total rangai: 61)

1. Michael Enea Murezi, US Tumpriv, 1:20.21;
2. Odermatt Andri, 1:24.77;
3. Theiler Ari, Flem, 1:29.72.

Mattatschas 2, annada 2012–2013 (total rangadas: 44)

1. Meier Sophie, RG Laax, 1:16.71;
2. Gujan Mina, RG Laax, 1:17.94;
3. Schaffner Gianna, RG Laax, 1:19.00.

Buobs 2, annada 2012–2013 (total rangai: 58)

1. Bundi Enea, Lumnezia, 1:17.51;
2. Hossli Marius, Flimsenstein Race, 1:17.89;
3. Oehy Nicolas, Flimsenstein Race, 1:18.58.

Damas 3, annada 1960–1972 (total rangadas: 10)

1. Hilton Monika, 1:08.50;
2. Brunold Romana, 1:10.60;
3. Huber Pascale.

Damas 2, annada 1975–1986 (total rangadas: 18)

1. Briker-Stucki Sarah, 1:01.11;
2. Fliri Madlaina, 1:09.63;
3. Cahenzli Jacqueline, Ruschein, 1:15.83.

Damas 1, annada 1990–2000 (total rangadas: 18)

1. Bläsi Caroline, 1:01.73;
2. Altherr Daniela, 1:02.94;
3. Kienzler Sabri-

na, Urach, 1:02.96.

Damas, junioras, annadas 2004–2007 (total rangadas: 18)

1. Casanova Gianna, 1:02.59;
2. Bruhin Norina, Flimsenstein Race, 1:04.06;
3. Polinelli Angela, SC Pany.

Umens seniors, 1937–1952 (total rangai: 5)

1. Violetti Werner, 1:12.44;
2. Nigsch Norbert, 1:15.25;
3. Caplazi Norbert, 1:18.09.

Umens 5, annadas 1955–1962 (total rangai: 7)

1. Good Norbert, SC CSG, 1:08.38;
2. Frick Thomas, 1:08.46;
3. Seeli Alexander, Vuorz, 1:08.97.

Umens 4, annadas 1963–1971 (total rangai: 23)

1. Mirer Hubert, Sursaisa, 1:03.37;
2. Brem René, Flimsenstein Race, 1:03.90;
3. Steger Diego, Unterlunkhofen.

Umens 3, annadas 1972–1982 (total rangai: 42)

1. Netzer Conradign, 1:03.41;
2. Putzi Hans Andrea, Pany, 1:05.29;
3. Pfister Roman, 1:05.70.

Umens 2, annadas 1983–1992 (total rangai: 23)

1. Emmenegger Stefan, Unterlunkhofen, 1:04.33;
2. Altherr Christof, 1:04.47;
3. Luternauer Fabio, Roggliswil, 1:05.27.

Umens 1, annadas 1993–2002 (total rangai: 28)

1. Herger Björn, Unterlunkhofen,

- 1:03.60;
2. Dobler Yannik, 1:04.16;
3. Cadonau Didier, SC Mundaun, 1:04.43.

Umens, juniors, annadas 2003–2007 (total rangai: 32)

1. Winkler Yves, Goldingen, 1:07.63;
2. Kliese Linus, 1:08.29;
3. Casanova Dario, Lumnezia, 1:08.46.

Mattatschas 3 annada 2010–2011 (total rangadas: 46)

1. Hossli Hanna, Flimsenstein Race, 1:09.85;
2. Bianchi Soé, Sursaisa, 1:10.19;
3. Mirer Fiona, Sursaisa, 1:13.88.

Buobs 3, annadas 2010–2011 (total rangai: 52)

1. Bundi Léan, Lumnezia, 1:16.94;
2. Caduff Silas, Lumnezia, 1:17.56;
3. Sutter Noa, US Tumpriv, 1:17.99.

Mattatschas 4, annada 2009 (total rangadas: 14)

1. Kreil Renata, RG Laax, 1:15.03;
2. Cameron Caitlin, RG Laax, 1:15.97;
3. Massardi Luana, SC Beverin, 1:21.01.

Buobs 4, annadas 2008 e 2009 (total rangai: 25)

1. Bruhin Gianin, Flimsenstein Race, 1:08.65;
2. Smith James, Flimsenstein Race, 1:14.71;
3. Kalberer Leo, 1:14.80.

Annunziati, denton buca parti: Total 62

Gliesta da rangaziun cumpletta mira www.beni-superg.ch

MUSTÉR

Il trio dil Puntreis ei secund-meglier

Venderdis ei stau a Lucerna la rangaziun dils sis finalists ch'ei separticipai alla Swiss Trophy SVG.

Il schefcuschinier dil center da sanadad Puntreis a Mustér, *Fatmir Spescha*, cun sias emprendistas *Telma Nunes* e *Riana Schmid*, ei daventaus secund.

AUGUSTIN BEELI/FMR

Il pensum dils sis finalists era staus da cuschnar in menu per 60 hosps cun in budget da diesch francs per persuna. La prespisa stueva haver tschun cumponentas ed esser vegetariana. Era pil past principal han las sis squardas nominadas e finalistas stuiu risguardar certs criteris. Ils dossiers anonimaisi ha ina giuria giudicau ella cuschna duront preparar ed a caschun dalla tscheina finala ils 9 da mars cun hosps envidai (mira LQ dils 13-3-2023).

Premiazium a Lucerna

Il schefcuschinier *Fatmir Spescha* dalla casa Puntreis a Mustér cun sias emprendistas *Telma Nunes* e *Riana Schmid*, accumpignai dil meinacasa *Gian Reto Nuffer*, ein viagiai vender-



Il team dalla casa Puntreis da Mustér, *Fatmir Spescha* e sias duas emprendistas *Telma Nunes* e *Riana Schmid*, ha motiv da selegrar dil success.

FOTO MAD

dis a Lucerna alla fiasta da rangaziun per la Swiss Trophy SVG 2023. Tgi dils sis che gudogni la finala quella ha la giuria comunicau pér en in act festiv el Planetarium dalla Casa da traffic.

La trofea 2023 gudogna la squadra dalla casa *Senevita Obstgarten/Dorfmat* dalla gruppa *Senevita Muri/Argovia*. Sco secund-meglier dils sis finalists ha la giuria tscharniu il team dalla casa *Puntreis da Mustér*. Bronz gudogna ha la squadra dalla *SV-Group* da *La Tour-de-Peilz/VD*. Sco premi gudognan ils victurs ina dimora tiel cuschnier e gastronom *Tobia Funke* el «*Gasthaus zur Fernsicht*» a *Heiden/AR*. La squadra dil *Puntreis da Mustér* astga seschar pupergnar el hotel *Weissbad a Weissbad/AI* ed il team sil tierz plaz el *Bürgenstock Resort ad Obbürgen/NW*.